



高僧選集

萬益大師集

僧懺選輯



上海佛學書局印行

僧懺選輯

高僧
選集

蕩益大師集

上海佛學書局印行

高僧選集

萬益大師集

全一冊

中華民國二十三年四月出版

◎每冊定價大洋叁角五分

(外埠酌加郵匯費)

編輯者

僧

懺

出版者

上海佛學書局

代表

沈彬翰

印刷者

國光印書局

上海新大沽路口
電話三三七四三

總發行所

上海佛學書局

膠州路十一弄廿號
電話三五五二四

分發行所

佛學書局分局

- (一) 上海馬路：麥特赫司脫路口
- (二) 上海南京路：新民路口
- (三) 上海中區：望平街有正書局
- (四) 湖南長沙：玉泉街七十號
- (五) 湖北平江：疏瀾廠西門
- (六) 浙江杭州：西湖龍翔橋

分銷處

各埠佛經流通處

高僧選集編印旨趣

一 本選集爲便利縉素學者節省時間與經濟起見，期以極少分之時間及代價，而獲多讀歷代高僧之著述；堅固其信戒，增長其定慧。由讀而誦，由誦而持，作入佛知見之階梯，救度自他之舟航。

一 本選集乃於歷代高僧文集中選出，選輯精審，凡選一集，俱爲一代大師之代表作品。有精深學理之闡發，有指導修行之方法，有獨到思想之論議，有開示世人之途徑；義理暢達，文辭華茂。使讀者必能一讀而認識歷代高僧之志行思想及道德文章，且必能使其一讀而身心輕泰以至百讀不厭也。

一 本選集作各佛學院研究社學僧講教國文之課本，最爲適當。卽一般大中學學生採爲課外文學之讀本，亦有大益。

一 本選集全用標點符號，一以表顯高僧文學詞藻之佳妙，一以助成讀者讀誦悟解之巧便。

一 本選集選輯方面或有未圓善之處，倘四方知識進而教之，願樂欲聞。

癸酉冬月，僧懺識於武昌佛學院之藏經樓。

謫益大師略傳

八不道人，震旦之逸民也。古者有儒，有禪，有律，有教，道人既蹴然不敢，今亦有儒，有禪，有律，有教，道人又艷然不屑，故名八不也。俗姓鍾，名曄明，又名聲，字振之。先世汴梁人，始祖南渡，居古吳木瀆母金氏，以父岐仲公持白衣大悲咒十年，夢大士送子而生，蓋萬歷二十七年己亥五月三日亥時也。

七歲，茹素。十二歲，就外傳，聞聖學，即千古自任，誓滅釋老，開葷酒，作論數十篇闢異端，夢與孔顏晤言。

十七歲，閱自知錄序及竹窗隨筆，乃不謗佛，取所著闢佛論焚之。

二十歲，詮論語，至『天下歸仁』，不能下筆，廢寢忘餐三晝夜，大悟孔顏心法。冬，喪父。聞地藏本願，發出世心。

二十二歲，專志念佛，盡焚窗櫺二千餘篇。

二十三歲，聽大佛頂經，謂『世界在空，空生大覺』，遂疑何故有此大覺，致爲空界張本？悶絕無措，但昏散最重，功夫不能成片，因決意出家，體究大事。

二十四歲，夢禮憨山大師，哭恨緣慳，相見太晚。師云：『此是苦果，應知苦因。』語未竟，遽請曰：『弟子志求上乘，不願聞四諦法。』師云：『且喜居士有向上志，雖然不能如黃蘗臨濟，但可如巖頭德山。』心又未足，擬再問，觸聲而醒。因思古人安有高下，夢想妄分別耳。一月中，三夢憨師，師往曹谿，不能遠從，乃從雪嶺師剃度，命名智旭。雪師，憨翁門人也。

夏秋，作務雲棲。聞古德法師講唯識論，一聽了了，疑與佛頂宗旨矛盾？請問。師云：『性相二宗，不許和會。』甚怪之！佛法豈有二歧耶？一日問古師云：『不怕念起，只怕覺遲，且如中陰入胎，念起受生，縱令速覺，如何得脫？』師云：『汝今入胎也未？』道人微笑。師云：『入了胎也。』道人無語。師云：『汝謂只今此身果從受胎時得來者耶？』道人流汗夾背，不能分曉，竟往

徑山坐禪。

次年夏，逼拶功極，身心世界忽皆消殞，因知此身從無始來，當處出生，隨處滅盡，但是堅固妄想所現之影，剎那剎那念念不住的，確非從父母生也。從此性相二宗，一齊透徹，知其本無矛盾，但是交光邪說大誤人耳。是時一切經論，一切公案，無不現前，旋自覺悟，解發非爲聖證，故絕不語一人；久之，則胸次空空，不復留一字脚矣。

二十六歲，受菩薩戒。二十七歲，徧閱律藏，方知舉世積譌！

二十八歲，母病篤，四封肱不救，痛切肺肝！（既悟此身非父母生，何故又封肱救母？參！）葬事畢，焚棄筆硯，矢往深山；道友鑒空留掩關於松陵，關中大病，乃以參禪工夫求生淨土。

三十歲，出關朝海，將往終南。道友雪航願傳律學，留住龍居，始述毗尼事義集要及梵室偶談。是年，遇惺谷歸一兩友，最得交修之益。

三十一歲，送惺谷至博山薙髮，隨無異禪師至金陵，盤桓百有十日，盡詣宗門近時流弊。

乃決意宏律，然律解雖精，而煩惱習強，躬行多玷，故誓不爲和尚。（三業未淨，謬有知律之名，名過於

實，此道人生平之所恥！）

三十二歲，擬註梵網，作四闢問佛：一曰宗賢首，二曰宗天台，三曰宗慈恩，四曰自立宗。頻拈得台宗闢，於是究心台部，而不肯爲台家子孫，以近世台家與禪宗賢首慈恩各執門庭，不能和合故也。（時人以耳爲目，皆云道人獨宏台宗，謬矣謬矣！）

三十三歲，秋，惺谷壁如二友去世，始入靈峯過冬，爲作請藏因緣。

三十五歲，造西湖寺，述占察行法。

三十七歲，住武水，述戒消災略釋，持戒鍵度略釋，孟蘭盆新疏。

三十八歲，住九華。次年，述梵網合註。

四十一歲，住溫陵，述大佛頂玄義文句。

四十二歲，住漳州，述金剛破空論，湧益三頌，齋經科註。

四十四歲，住湖州，述大乘止觀法要。

四十六歲，住靈峯，述四十二章經遺教經，八大人覺解。

四十七歲，住石城，述周易禪解。是秋，住祖堂。越二年，述唯識心要，相宗八要直解，彌陀要

解，四書滿益解。

五十一歲，冬，返靈峯，述法華會義。次年，述占察疏，重治律要。

五十四歲，住晟谿，草棲伽義疏，遷長水，而始竟。尚有閱藏知津，法海觀瀾，圓覺，維摩，起信

諸疏，厥願未完，姑埃後緣而已。

生平嘗有言曰：漢宋註疏盛，而聖賢心法晦，如方木入圓竅也！隨機羯磨出，而律學衰，如水添乳也！指月錄盛行，而禪道壞，如繫混沌竅也！四教儀流傳，而台宗昧，如執死方醫變證也！是故舉世若儒若禪若律若教，無不目爲異物，疾若寇讎！道人笑曰：知我者，唯釋迦地藏乎？罪我者，亦唯釋迦地藏乎？

子然長往，不知所終。

靈峯藕益大師自傳，成於壬辰臘月。次年癸巳，老人五十五歲，夏四月，入新安，結後安居於歙浦天馬院，著選佛譜。閱宗鏡錄，刪正法涌永樂法真諸人所竄襍說，引經論之誤及歷來寫刻之譌，於三百六十餘問答，一一定其大義，標其起盡。閱完，作校定宗鏡錄跋四則。又汰袁宏道集，存一冊，名袁子。秋八月，遊黃山白嶽諸處。冬，復結制天馬，著起信裂網疏。

次年，五十六歲，甲午，於正月應豐南仁義院請，法施畢，出新安。二月後，褒灑陀日，還靈峯。夏臥病，選西齋淨土詩，製贊補入淨土九要，名淨土十要。夏竟，病愈。七月，述儒釋宗傳竊議。八月，續閱大藏竟。九月，成閱藏知津，法海觀瀾二書。冬十月，病復，有獨坐書懷四律，中有『庶幾二三子，慰我一生思』之句。十一月十八日，有病中口號偈。臘月初三，有病間偶成一律，中有『名字位中真佛眼，未知畢竟付何人』之句。是日，口授遺囑，立四誓。命以照南等慈二子傳

五戒，菩薩戒，命以照南靈巖性旦三子代座代請。命闍維後，磨骨和粉麪分作二分：一分施鳥獸，一分施鱗介，普結法喜，同生西方。十三起淨社，有願文。嗣有求生淨土偈六首。除夕，有良六居銘，有偈。

乙未元旦，有偈二首。二十日，病復發。二十一日，晨起，病止。午刻，跏坐繩床角，向西舉手而逝。時生年五十七歲；法臘三十四；僧夏從癸亥臘月至癸酉自恣日，又從乙酉春至今乙未正月，共計夏十有九。丁酉冬，門人如法茶毗，髮長覆耳，面貌如生，跏坐巍然，牙齒俱不壞，因不敢從粉髓遺囑，奉骨塔於靈峯之大殿右。（丁酉下四十二字，係戊戌春茶毗後補記。）

嗚乎痛哉！世間眼滅，正法幢摧！惡心向佛之魔邪，誰與救正？好心遭毒之男女，誰與扶持？良以吾輩業重，不能感哲人久住故耳！

自「八不道人」至「不知所終」，錄大師著自傳八不道人傳全篇；靈峯句下，錄大師門人成時法師所記續傳前之半篇。後學僧懺謹錄。時在民國二十二年古曆十一月二十五日雪夜。

高僧選集
藕益大師集

目錄

四十八願·····	一
爲母發願回向文·····	一〇
參究念佛論·····	一三
念佛卽禪觀論·····	一八
非時食戒十大益論·····	二一
戒衣辯謔·····	二五
法派稱呼辯·····	二八

答菩薩戒九問·····	三三
答比丘戒五問·····	三九
答印生四問·····	四六
退戒緣起并囑語·····	四九
法語（三十二則）·····	五四
祖堂幽棲寺丁亥除夕普說·····	八六
歙西豐南仁義院普說·····	八九
毗尼事義集要緣起·····	九六
校定宗鏡錄跋四則·····	九九
梵網合註自序·····	一〇四

重刻成唯識論自考錄序·····	一〇六
閑藏知津自序·····	一一一
四書蕩益解自序·····	一一四
儒釋宗傳竊議·····	一一六
陳罪求哀疏·····	一二五
刻占察行法助緣疏·····	一二九
書（十六通）·····	一三二
祖堂幽棲禪寺大悲壇記·····	一五〇
贈純如兄序·····	一五二
壁如惺谷二友合傳·····	一五五

誦帚師往生傳……………	一六四
梵室偶談（二十八條）……………	一六八

高僧選集
滿益大師集

明滿益大師著

後學僧懺編輯

四十八願

(天啓元年，歲次辛酉，七月三十日，時名大朗優婆塞。)

稽首三身圓滿尊，一切真如覺性海；稱彼法界等虛空，種種莊嚴大願海；果因交徹不思議，菩薩一切修行海。亦禮阿彌陀如來，觀音勢至及地藏。我爲慈親罔極恩，徧憫一切衆生界，發生如實增上心，修行念佛勝方便。深信淨土攝受門，廣大誓願普皆被；妙戒爲舟智慧舵，方便爲帆佛力風。盡未來際渡衆生，終不一念捨五濁。諸佛願海如帝珠，攝於我願重

重現；我願亦如摩尼王，諸佛願海悉皆攝。願輪橫徧於十方，亦復豎窮於三際；一切智智之所乘，故我至心勤修習。

第一願：我本發心，上報慈父鍾之鳳生恩；願三寶力，令我無始慈父，咸生淨土，速證菩提。令聞我名者，亦報父恩！

第二願：我本發心，上報悲母金大蓮養育恩；願三寶力，令我無始悲母，咸生淨土，速證菩提。令聞我名者，亦報母恩！

第三願：度法界衆生成佛竟，方取泥洹！

第四願：我婬機身心俱斷，斷性亦無；令聞我名者，永斷婬根！

第五願：我殺害業習，滅盡無餘；令聞我名者，徧生慈力！

第六願：我癡闇謗三寶業，滅盡無餘；令聞我名者，正信三寶！